

STATUTI
I SHOQËRISË TREGTARE
“CENTER FOR SIGHT “ALBANIA”” SHPK

Sot, në Tiranë, më datë 10.08.2023 (dymijë e njëzetë e tre), Ortakët themelues:

1. **Z. Nishant TANEJA**, i biri i Kishan Chand, i datëlindjes 16.11.1976, lindur në Indi dhe banues në Tiranë, me nr. identifikimi H61116138F, me adresë Kompleksi “Sunrise” Residence, Rruga e Vilave, Lundër, Tiranë.
2. **Znj. Anu TANEJA**, nënshtetase shqiptare, e datëlindjes 05.10.1977, lindur në Indi, banuese në adresën: Kompleksi “Sunrise” Residence, Rruga e Vilave, Lundër, Tiranë, madhore dhe me zotësi të plotë për të vepruar, identifikuar me Letërnjoftimin me nr. H76005166J.

Të cilët kanë themeluar shoqërinë “CENTER FOR SIGHT “ALBANIA”” SHPK dhe kanë vendosur të nënshkruajnë Statutin e shoqërisë në përputhje me parashikimet e ligjit nr.9901, datë 14.04.2008 “Për tregtarët dhe shoqëritë tregtare” (i ndryshuar), si dhe dispozitat e tjera të legjislacionit shqiptar në fuqi që rregullojnë marrëdhëniet e Shoqërive Tregtare, si vijon:

I. DISPOZITA TË PËRGJITHSHME

NENI 1

Emri i shoqërisë

- 1.1. Emri i shoqërisë do të jetë “CENTER FOR SIGHT “ALBANIA”” SHPK, ndërsa emri tregtar do të jetë “INDIAN OPTICAL CENTER”.
- 1.2. Ortakët themelues të shoqërisë gëzojnë përgjegjësi të kufizuar deri në limitin e kontributit përkatës në kapitalin e shoqërisë, të përfaqësuar në kuota.

NENI 2

Forma e shoqërisë

- 2.1. Forma e shoqërisë tregtare “CENTER FOR SIGHT “ALBANIA”” SHPK (në vazhdim referuar si “Shoqëria”) do të jetë shoqëri me përgjegjësi të kufizuar, sipas parashikimeve të ligjit nr.9901, datë 14.04.2008 “Për tregtarët dhe shoqëritë tregtare” (i ndryshuar).
- 2.2. Shoqëria është Person Juridik Privat Shqiptar.

NENI 3

Selia e shoqërisë

- 3.1. Selia e shoqërisë ndodhet në Tiranë, në adresën: Rruga “Perlat Rexhepi, Nd. 1, Ap.9, Njësia Bashkiake nr. 5, Tiranë.
- 3.2. Shoqëria ka të drejtë të ndryshojë selinë e saj në një adresë dhe/ose qytet tjetër brenda Republikës së Shqipërisë, si dhe ka të drejtë të hapë degë ose zyra përfaqësimi të saj kudo brenda ose jashtë territorit të Republikës së Shqipërisë.

1
Nishant

Anu

NENI 4
Kohëzgjatja e Shoqërisë

4.1. Afati kohor i zhvillimit të aktivitetit është i pakufizuar dhe fillon me regjistrimin e Shoqërisë në Qendrën Kombëtare të Biznesit. Ortakët e Shoqërisë mund të vendosin kufizimin e afatit të veprimtarisë dhe më pas zgjatjen e saj një apo disa herë, sipas një vendimi të posaçëm.

NENI 5
Objekti i veprimtarisë

- 5.1. Objekti i Veprimtarisë së Shoqërisë do të jetë, por duke mos u kufizuar në të :
- Shërbime okulistike, konsulta oftalmologjike, diagnostikime të patologjive oftalmike, patologjitë korneale dhe glaukoma, patologjitë retinale, neurooftalmologjike, shkolitje retine, patologji të oftalmologjisë pediatrike, okuloplastike etj. Ekzaminime dhe trajtime të anomalive rekraktive, korrigjim me syze dhe laser, lente kontakti, injeksione intravitreale, dhe injeksione peri/retrobulbare. Ekzaminime imazherike, biomikroskopia dhe autorefraktometria, topografia korneale, mikroperimetria, tomografia retinale, Eko etj. Ndërhyrje kirurgjikale me anestezi për trajtimin e katarakteve, pterygiumit dhe chalasion ose me anestezi gjenerale për trajtimin e obstrukcioneve të duktusit nazolakrimal.
 - Hapje të klinikave oftalmologjike dhe laboreve optike.
 - Shërbime të tjera mjekësore, ekzaminime dhe ndërhyrje kirurgjikale. Import - eksport dhe shit-bjerje të të gjitha llojeve të pajisjeve mjekësore dhe elektromjekësore në fushën e mjekësisë. Import – eksport, tregtim me shumicë dhe pakicë i artikujve të ndryshëm mjekësor, farmaceutike, medikamente dhe barna të ndryshme mjekësore, materialeve të mjekimit, farmaceutikë, kiteve, reagentëve të ndrysheëm, aparateve mjekësore. Hapja dhe ushtrim aktiviteti farmaci dhe depo mjekësore për furnizimin e tyre. Hapja dhe ushtrim i aktivitetit për Laboratore biokimike. Veprimtaria do të kryhet në përputhje me legjislacionin në fuqi.
 - Neurologji, Gastroenterologji, Laborator, Kardiologji, ORL, Dermatologji, Endokrinologji, si dhe specialitete të tjera.
 - Gjithashtu, shoqëria mund të kryejë çdo aktivitet tjetër plotësues dhe ndihmës që ka si qëllim ofrimin e çdo aktiviteti tjetër, në rast se rezultojnë të dobishme dhe/ose të nevojshme për përmbushjen e objektit kryesor, si dhe çdo aktivitet tjetër që konsiderohet fitimprurës dhe në interes të shoqërisë.

II. TË DREJTAT DHE DETYRIMET E ORTAKËVE

NENI 6
Përgjegjësia e ortakëve

6.1. Ortakët e shoqërisë mbajnë përgjegjësi për humbjet e shoqërisë deri në pjesën e pashlyer të kontributit të nënshkruar.

NENI 7
Të drejtat dhe detyrimet e Ortakëve

- 7.1. Ortakët japin kontributin e tyre në shoqëri në para apo në natyrë, sipas mënyrave dhe afateve të përcaktuara ne statut. Ata përgjigjen ndaj shoqërisë personalisht dhe në mënyrë solidare për dëmet e shkaktuara nga mospërmbushja e këtyre detyrimeve apo nga përmbushja e tyre përtej afateve perkatese.
- 7.2. Personat përgjegjës për administrimin e shoqërisë informojnë të gjithë ortakët për ecurinë e veprimtarisë së shoqërisë tregtare dhe me kërkesën e tyre, duhet t'u vënë në dispozicion llogaritë vjetore, përfshirë llogaritë e konsoliduara, raportet për gjëndjen dhe ecurinë e veprimtarisë së shoqërisë tregtare, raportet e organeve drejtuese apo të ekspertëve kontabël të autorizuar, si dhe çdo dokument tjetër të brëndshëm të shoqërisë, me përjashtim të rastit të sekretit tregtar, i cili është një e dhënë e vlerësuar nga shoqëria si informacion i brëndshëm apo dokument që shoqëria mbron, i cili në rast se do tu përhapej personave të paautorizuar do i shkaktonte dëm të konsiderueshëm interesave tregtare të shoqërisë.
- 7.3. Ortakët kanë të drejtë të heqin dorë nga shoqëria dhe të shesin pjesën e tyre të kapitalit, vetëm duke respektuar të drejtën e parablerjes së kuotës nga ortaku tjetër në shoqëri. Heqja dorë nga shoqëria dhe/ose tjetërsimi i kuotës nuk i liron ata nga detyrimet që ata kanë ndaj shoqërisë deri në momentin e heqjes dorë dhe nuk rrezikon marrjen e të ardhurave nga shoqëria të siguruara deri në atë moment.
- 7.4. Gjatë ushtrimit të të drejtave, ortakët veprojnë, duke marrë parasysh interesat e shoqërisë dhe të ortakëve të tjerë. Ata gëzojnë, të njëjtat të drejta, kanë të njëjtat detyrime e trajtohen në mënyrë të barabartë. Ortakët respektojnë detyrimet që burojnë nga Akti i Themelimit dhe Statuti. Ata përpiqen për fillimin e aktivitetit të Shoqërisë sipas objektit të veprimtarisë së saj të përcaktuar në Nenin 1.



III. KUSHTET EKONOMIKE TË SHOQËRISË

NENI 8 Kapitali i Shoqërisë

- 8.1. Kapitali i shoqërisë është në vlerën 100 000 (njëqind mijë) Lekë, i ndarë në 2 (dy) kuota.
- 8.2. Ortakët themelues zotërojnë përkatësisht nga 1 (një) kuotë të kapitalit themeltar, konkretisht:
- Ortaku **Z. Nishant TANEJA** zotëron 1 (një) kuotë që përfaqëson 51 % në kapitalin bazë të shoqërisë, në vlerën 51 000 (pesëdhjetë e një mijë) Lekë;
 - Ortakja **Znj. Anu TANEJA** zotëron 1 (një) kuotë që përfaqëson 49% në kapitalin bazë të shoqërisë, në vlerën 49 000 (dyzet e nëntë mijë) Lekë.
- 8.3. Kapitali themeltar është nënshkruar nga ortakët themelues në tërësi dhe do të shlyhet prej tyre.

NENI 9 Fitimi i pronësisë dhe transferimi i kuotave

3

- 9.1. Kuotat e kapitalit dhe të drejtat që rrjedhin prej tyre fitohen ose transferohen nëpërmjet:
- kontributit në kapitalin e shoqërise;
 - shit-blerjes;
 - trashëgimisë;
 - dhurimit;
 - në çdo mënyrë tjetër të parashikuar në ligj.
- 9.2. Pavarësisht nga mënyra e fitimit apo kalimit të kuotave, për hyrjen në shoqëri të ortakut të ri është i nevojshëm miratimi i Asamblesë së Përgjithshme të Ortakëve. Në çdo rast, ortakët e shoqërisë gëzojnë të drejtën e parablerjes.
- 9.3. Transferimet e kapitalit themeltar duhet të vërtetohen sipas ligjit, ndryshe janë të pavlefshme.

NENI 10

Zmadhimi dhe zvogëlimi i kapitalit

- 10.1. Kapitali themeltar mund të zmadhohet ose të zvogëlohet nga Asambleja e Përgjithshme.
- 10.2. Zmadhimi i kapitalit mund të vendoset kur e kërkojnë interesat e Shoqërisë duke vendosur kuotat suplementare të Ortakëve.
- 10.3. Asambleja e Përgjithshme, vendos për zvogëlimin e kapitalit të Shoqërisë.
- 10.4. Zvogëlimi i kapitalit nuk duhet të dëmtojë kreditorët e as të krijojë pasiguri tek ata që kanë dhënë kredi para publikimit të zvogëlimin të kapitalit.

NENI 11

Fondet rezervë

- 11.1. Shoqëria krijon fondin rezervë dhe fonde të tjera financimi për të përballuar nevojat e saj ekonomike.
- 11.2. Ajo disponon lirisht mjetet e veta financiare për shlyerjen e detyrimeve gjatë veprimtarisë së saj.

NENI 12

Përdorimi i të ardhurave neto

- 12.1. E ardhura neto që rezulton mbasi zbriten shpenzimet e bëra për kryerjen e çdo lloj aktiviteti nga zbritja e vlerës së amortizimit, nga tatimet dhe taksat, nga kuotat që rritin kredinë për investime, pagat e shpërblimet, përdoret nga Ortakët, sipas qëllimeve të tyre.

NENI 13

Pasqyrat financiare

- 13.1. Pasuria e Shoqërisë vlerësohet në pasqyrat e saj financiare në monedhën vendase ose në monedhë të huaj, sipas përcaktimit të Ortakëve ose ekspertëve në momentin e themelimit të Shoqërisë.

Mtaneje

Anu

- 13.2. Bilanci vjetor paraqitet brenda datës 31 mars të vitit pasardhës.
- 13.3. Forma e pasqyrave financiare përcaktohet nga Administratori në harmoni me format e bilanceve të vendosura në Republikën e Shqipërisë.

NENI 14

Plani financiar

- 14.1. Plani financiar parashikon aktivin e pasivin e aktivitetit ekonomik të Shoqërisë, të shprehur në lekë ose valutë të konvertueshme. Llogaria ekonomike do të mbahet në Shqipëri.
- 14.2. Shkëmbimi i monedhës shqiptare me atë të huaj dhe anasjelltas bëhet sipas kursit zyrtar ose privat të këmbimit.

NENI 15

Shpërndarja e fitimeve

- 15.1. Ortakët kanë të drejtë të ndajnë pjesën e fitimit të deklaruar në pasqyrat financiare të shoqërisë.
- 15.2. Fitimi u shpërndahet ortakëve në raport me kuotat e zotëruara.

NENI 16

Kufizimi i shpërndarjeve të fitimeve

- 16.1. Shoqëria do të shpërndajë fitimet e ortakëve në çdo fund të vitit financiar, pas miratimit të bilancit nga Asambleja e Ortakëve, vetëm nëse pas pagimit të dividendit:
- a) aktivet e shoqërisë mbulojnë tërësisht detyrimet e saj;
 - b) shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.
- 16.2. Administratorët lëshojnë një certifikatë të aftësisë paguese, e cila konfirmon shprehimisht se shpërndarja e propozuar e dividendëve përmbush kërkesat e mësipërme. Kur gjendja e shoqërisë tregon se shpërndarja e propozuar e dividendëve nuk i përmbush këto kritere, administratorët nuk mund ta lëshojnë këtë certifikatë. Administratorët përgjigjen ndaj shoqërisë për vërtetësinë e certifikatës së aftësisë paguese. Administratorët, të cilët nga pakujdesia lëshojnë një certifikatë të pasaktë të aftësisë paguese, përgjigjen personalisht përpara shoqërisë për kthimin e dividendëve të shpërndarë.
- 16.3. Ortakët, që kanë marrë nga shoqëria dividendë, përgjigjen personalisht ndaj shoqërisë për kthimin e dividendëve, që u janë shpërndarë kur nuk është lëshuar certifikata e aftësisë paguese, ose kur pavarësisht lëshimit të certifikatës, këta ortakë kanë pasur dijeni për gjëndjen e paaftësisë paguese të shoqërisë, ose në bazë të rrethanave të qarta nuk mund të mos kishin pasur dijeni për këtë gjëndje.

5
mbançe

Amu

IV. ORGANET E SHOQËRISË

NENI 17

Asambleja e Përgjithshme e Ortakëve

- 17.1. Organi më i lartë vendimmarrës i shoqërisë është Asambleja e Përgjithshme e Ortakëve.
- 17.2. Asambleja e Përgjithshme e Ortakëve merr vendime për:
1. përcaktimin e politikave tregtare të shoqërisë;
 2. ndryshimet e statutit;
 3. emërimin e shkarkimin e administratorëve;
 4. emerimin e shkarkimin e likuiduesve dhe të ekspertëve kontabël të autorizuar;
 5. përcaktimin e shpërblimeve për administratorët, likuiduesit dhe ekspertët kontabël të autorizuar.
 6. mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
 7. miratimin e pasqyrave financiare vjetore dhe të raporteve të ecurisë së veprimtarisë;
 8. zmadhimin dhe zvogëllimin e kapitalit;
 9. pjesëtimin e kuotave dhe anulimin e tyre;
 10. përfaqësimin e shoqërisë në gjykatë dhe në procedimet e tjera ndaj administratorëve;
 11. riorganizimin dhe prishjen e shoqërisë;
 12. miratimin e rregullave procedurale të mbledhjeve të asamblesë;
 13. çështje të tjera të parashikuara nga ligji apo statuti.
- 17.3. Përsa kohë shoqëria ka një Ortak të Vetëm, Organi më i lartë vendimmarrës i shoqërisë është Ortaku i vetëm i saj.

NENI 18

Mbledhja e Asamblesë së Përgjithshme të Ortakëve

- 18.1. Asambleja e Përgjithshme e Ortakëve mblidhet sa herë që mbledhja është e nevojshme për të mbrojtur interesat e shoqërisë.
- 18.2. Mbledhja e asamblesë së përgjithshme thirret të paktën një herë në vit. Asambleja e përgjithshme thirret nga administratorët apo ortakët të cilët përfaqësojnë të paktën 5% të totalit të votave në asamblenë e përgjithshme të shoqërisë.
- 18.3. Asambleja e përgjithshme thirret detyrimisht nëse:
- sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
 - shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të asetëve të shoqërisë, që rezulton në pasqyrat e fundit financiare të certifikuar.

ntarje *Amu*

- shoqëria, brënda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.
- 18.4. Përsa kohë kuota e vetme e kapitalit themeltar të shoqërisë zotërohet nga Ortaku i Vetëm, kompetencat e mësipërme ushtrohen nga ai.

NENI 19

Thirrja e Asamblesë së Përgjithshme



- 19.1. Asambleja e Përgjithshme e Ortakëve thirret nëpërmjet një njoftimi me shkresë ose, me njoftim nëpërmjet postës elektronike.
- 19.2. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 15 ditë përpara datës së parashikuar për mbledhjen e asamblesë.
- 19.3. Kur Asambleja e Përgjithshme nuk është thirrur si më sipër, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

NENI 20

Kuorumi i nevojshëm dhe vendimmarrja

- 20.1. Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave.
- 20.2. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, ajo mund të marrë vendime të vlefshme vetëm nëse ortakët që zotërojnë me shumë se gjysmën e numrit total të votave janë të pranishëm personalisht, votojnë me shkresë, apo mjete elektronike.
- 20.3. Nëse asambleja e përgjithshme nuk mund të mbledhet për shkak të mungesës së kuorumi të përmendur më sipër, asambleja mbledhet përsëri jo më vonë se 30 ditë, me të njëjtin rend dite.
- 20.4. Asambleja e përgjithshme vendos me $\frac{3}{4}$ (tre të katërtat) e votave të ortakëve pjesëmarrës, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.
- 20.5. Për çështjet e tjera, asambleja e përgjithshme vendos me shumicën e votave të ortakëve pjesëmarrës.
- 20.6. Çdo kuotë jep të drejtën e një vote.
- 20.7. Ortakët, që nuk janë të pranishëm, mundësinë e pjesëmarrjes në mbledhjen e asamblesë së përgjithshme, kryhet me mjete të ndryshme komunikimi, përfshirë mjetet elektronike, me kusht që të garantohet identifikimi i ortakëve.
- 20.8. Ortaku, që pengohet të ushtrojë të drejtat që i rrjedhin nga zotërimi i kuotës së shoqërisë, ka të drejtë t'i kërkojë gjykatës të urdhërojë ndalimin e cënimit apo shpërblimin e dëmit të shkaktuar, si pasojë e cënimit të këtyre të drejtave.

NENI 21

7


Proces-verbali i mbledhjes së asamblesë

- 21.1. Të gjitha vendimet e asamblesë së përgjithshme duhet të regjistrohen në procesverbal.
- 21.2. Administratorët përgjigjen për ruajtjen e kopjeve të procesverbaleve të mbledhjeve të asamblesë së përgjithshme.
- 21.3. Proces-verbali duhet të përmbajë datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit.
- 21.4. Proces-verbalit i bashkëlidhet edhe lista e pjesëmarrësve, si edhe akti i thirrjes së asamblesë së përgjithshme.
- 21.5. Procesverbali i mbledhjes nënshkruhet nga kryetari dhe nga mbajtësi i procesverbalit.

V. ADMINISTRIMI I SHOQËRISË

NENI 22

Administratorët

- 22.1. Asambleja e përgjithshme emëron një ose deri në tre persona fizik si administratorë të shoqërisë.
- 22.2. Afati i emërimit, nuk mund të jetë me i gjatë se 5 vjet, me të drejtë ripërteritjeje.
- 22.3. Kompetencat, të drejtat dhe detyrimet e Administratorit do të përcaktohen në aktin e emërimit të tij nga Asambleja e Përgjithshme.
- 22.4. Emërimi i administratorëve prodhon efekte pas regjistrimit në Qëndrën Kombëtare të Biznesit.
- 22.5. Administratorët e një shoqërie tregtare mëmë, nuk mund të emërohen si administratorë të një shoqërie të kontrolluar e anasjelltas.
- 22.6. Administrator i Shoqërisë "CENTER FOR SIGHT "ALBANIA"" SHPK do të jetë **Znj. Anu TANEJA**, nënshtetase shqiptare, e datëlindjes 05.10.1977, lindur në Indi, banuese në adresën: Kompleksi "Sunrise" Residence, Rruga e Vilave, Lundër, Tiranë, madhore dhe me zotësi të plotë për të vepruar, identifikuar me Letërnjoftimin me nr. H76005166J.
- 22.7. Administratori ka të drejtë të kryejë të gjitha veprimet, si dhe të përfaqësojë shoqërinë përpara çdo organi administrativ, gjyqësor, apo çdo entiteti tjetër publik apo privat dhe në marrëdhënie me pale të treta.
- 22.8. Administratori ka të drejtë të delegojë tek një apo disa persona të tjerë kompetencat e tij pa kufizim.
- 22.9. Asambleja e Përgjithshme mund të shkarkojë administratorin në çdo kohë me shumicë të zakonshme. Statuti apo marrëveshje të tjera nuk mund të përjashtojnë apo kufizojnë këtë të drejtë.

NENI 23

Të drejtat dhe detyrimet e administratorëve

- 23.1. Administratorët kanë të drejtë e detyrohen të:

Maneja

Anu

1. Kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
2. Përfaqesojnë shoqërinë tregtare;
3. Kujdesen për mbajtjen e saktë e të rregullt të dokumenteve dhe të librave kontabël të shoqërisë;
4. Përgatisin dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
5. Krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
6. Kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Biznesit;
7. Raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
8. Kryejnë detyra të tjera të përcaktuara në ligj dhe në statut.
9. Thërrasin asamblenë e përgjithshme kur shoqëria brënda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara dhe kur sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brënda 3 muajve në vazhdim.

NENI 24

Shpërblimi i administratorëve

- 24.1. Shpërblimit bazë të administratorëve mund t'i bëhen shtesa, që mund të jenë përqindje në fitim ose të ngjashme. Shpërblimet e administratorëve përcaktohen me vendim të zakonshëm të asamblesë së përgjithshme apo ortakut të vetëm.
- 24.2. Shpërblimi, duhet të jetë i përshtatshëm dhe në përputhje me detyrat e administratorëve dhe gjendjen financiare të shoqërisë.
- 24.3. Nëse shoqëria është në vështirësi financiare, asambleja e përgjithshme mund të vendosë reduktimin e shpërblimit të administratorëve në masën e përshtatshme. Kriteret e shpërblimit, shpërblimi individual dhe efekti vjetor i shpërblimit të administratorëve në strukturën e kostove të shoqërisë tregtare publikohen së bashku me pasqyrat financiare vjetore.

NENI 25

Ekspertët Kontabël

- 25.1. Shoqëria cakton ekspert kontabël për çdo vit financiar kur jemi përpara rasteve të përcaktuara në ligj. Emërimin e tyre e ben Mbledhja e Asamblesë së Përgjithshme.

- 25.2. Ekspertët kontabël mbajnë përgjegjësi për mbajtjen e rregullt të të gjithë dokumentacionit të Shoqërisë. Ata përgjigjen për dëmet që i vijnë Shoqërisë nga mbajtja e parregullt e llogarive ose verifikimi i tyre i gabuar.
- 25.3. Nuk mund të ngarkohen me detyrën e ekspertit, themeluesi, administratori, personat që janë gjini e krushqi me ata deri në shkallën e katërt.

VI. MARRËDHENIET E PUNËS

NENI 26

Marrëdhëniet e punës

- 26.1. Marrëdhëniet e punës në Shoqëri rregullohen sipas dispozitave të Aktit të Themelimit, Statutit dhe Legjislacionit Shqiptar të Punës.
- 26.2. Punësimi në Shoqëri realizohet me anë të kontratave individuale ose kolektive të punës midis Shoqërisë e të punësuarve dhe/ose kontratave të shërbimit.

VII. PRISHJA E SHOQËRISË.

NENI 27

Prishja e shoqërisë

- 27.1. Shoqëria do të prishet në rastet kur:
1. merr vendim Asambleja e Përgjithshme;
 2. hapen procedurat e falimentimit;
 3. nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me piken 3 të nenit 43 të ligjit nr.9723, date 3.5.2007 "Për Qendrën Kombëtare të Regjistrimit";
 4. merret një vendim gjykatë.
- 27.2. Prishja e shoqërisë regjistrohet në Regjistrin Tregtar pranë Qendrës Kombëtare të Biznesit nga Administratorët, pas përfundimit të procedurave ligjore për likuidimin e saj.

VIII. DISPOZITA TË FUNDIT

NENI 28

Regjistrimi

- 28.1. Shoqëria do të regjistrohet pranë Qendrës Kombëtare të Biznesit nga administratori dhe/ose një/disa person(a) të autorizuar prej tij për këtë qëllim, në përputhje me legjislacionin në fuqi.

NENI 29

Ligji i aplikueshëm

- 29.1. Veprimtaria e Shoqërisë rregullohet nga legjislacioni në fuqi në Republikën e Shqipërisë, si dhe parashikimet e Statutit të nënshkruar nga Ortakët Themelues.

NENI 30
Kopje të Statutit

30.1. Ky Statut përpilohet në 4 (katër) kopje, në gjuhën shqipe, dhe u nënshkrua pa vërejtje nga ortakët themelues.

ORTAKËT THEMELUES

Z. Nishant TANEJA
NISHANT TANEJA
Nishant

Znj. Anu TANEJA

ANU TANEJA

Anu